


Broj: 03-02-2190-121/2023  
Bihać, 19.04.2023. godine



SKUPŠTINA UNSKO-SANSKOG KANTONA

PREDMET: Plan i program rada sa finansijskim planom za 2023. godinu  
ZU Dom zdravlja Ključ, dostavlja se

Na osnovu člana 96. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), a u vezi sa članom 2. stav (2) Odluke o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona („Službeni glasnik Unsko-sanskog kantona“, broj: 3/14), u prilogu vam dostavljamo Plan i program rada sa finansijskim planom za 2023. godinu ZU Dom zdravlja Ključ uz sljedeće:

#### O b r a z l o ž e n j e

Vlada Unsko-sanskog kantona je na svojoj 15. sjednici održanoj dana 19.04.2023. godine razmatrala i Zaključkom broj: 03-02-2190-121/2023, prihvatila Plan i program rada sa finansijskim planom za 2023. godinu ZU Dom zdravlja Ključ broj: 01-33-153-4-1/23 od 31.03.2023. godine predlagača Ministarstva zdravstva, rada i socijalne politike koji vam se upućuje na razmatranje.

S poštovanjem,

Prilog: Plan i program rada sa finansijskim planom za 2023. godinu  
ZU Dom zdravlja Ključ (4x)

Dostavljeno:  
1. Naslovu  
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog ministra Ministarstva zdravstva, rada i socijalne politike, Vlada Unsko-sanskog kantona, na 15. sjednici održanoj dana 19.04.2023. godine, donosi:

## ZAKLJUČAK

### I

Prihvata se Plan i program rada sa finansijskim planom za 2023. godinu ZU Dom zdravlja Ključ broj: 01-33-153-4-1/23 od 31.03.2023. godine i upućuje Skupštini Unsko-sanskog kantona na razmatranje.

### II

Ovaj Zaključak stupa na snagu danom donošenja.

Broj: 03-02-2190-121/2023  
Bihać, 19.04.2023. godine



Broj:01-33-153-3/23  
U Ključu,31.03.2023.godine

Na osnovu člana 38.tačka 13. Statuta ZU Dom zdravlja Ključ i člana 62.Poslovnika o radu Upravnog odbora ZU Dom zdravlja Ključ, Upravni odbor na svojoj XI redovnoj sjednici održanoj 31.03.2023 .godine donosi

## ODLUKU

o

### usvajanju Plana i programa rada,financijskog plana za 2023.godinu

I

Ovom Odlukom usvaja se Plan i program rada,financijski plan za 2023.godinu Zdravstvene ustanove Dom zdravlja Ključ.


II

Ova Odluka stupa na snagu danom donošenja.

### Obrazloženje

Upravni odbor ZU Dom zdravlja Ključ je na svojoj XI redovnoj sjednici održanoj dana 31.03.2023 godine,razmatrao Plan i program rada sa financijskim planom za 2023.godinu Zdravstvene ustanove Dom zdravlja Ključ.

Razmatrani plan i program je jednoglasno prihvaćen.



Predsjednik UO

Smajić Haris

Dostaviti:  
-Kantonalno ministarstvo  
zdravstva i soc.politike  
-a/a

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
ZDRAVSTVENA USTANOVA  
DOM ZDRAVLJA KLJUČ

BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA - SANA CANTON  
HEALTH CENTRE KLJUČ

---

Broj:01-33-153-4-1/23

U Ključu,31.03.2023.godine

**PLAN I PROGRAM RADA  
FINANCIJSKI PLAN ZA 2023.GODINU**

Mart 2023.godine

## 1 –UVODNI DIO

### 1.1.Naziv

Zdravstvena Ustanova "Dom zdravlja" Ključ (u daljem tekstu:"Ustanova") je organizirana na način i pod uvjetima propisanim Zakonom o zdravstvenoj zaštiti i Zakonom o ustanovama i pruža zdravstvenu zaštitu na području općine Ključ.Prije rata ova Ustanova je bila OOUR RO Kliničkog- medicinskog centra Banja Luka čiji je osnivač općina Ključ.

U skladu sa odredbama Zakona o ustanovama prava i obaveze osnivača prema Javnoj ustanovi Dom zdravlja Ključ, zadržava Općinsko vijeće Ključ na osnovu svoje Odluke broj: 05-023-48 od 19.06.1997.godine.

Stupanjem na snagu Zakona o zdravstvenoj zaštiti,prava i obveze osnivača i organizaciju Zdravstvene ustanove Dom zdravlja Ključ preuzima Skupština Unsko-Sanskog kantona svojom Odlukom broj :01-1-106/98 od 08.09.1998.godine.

### 1.2.Sjedište i adresa,IDB

1.Sjedište ove Ustanove je u Ključu,ulica Šehićka br 1.

2.Telefonski brojevi za kontakt : fax 037/661-120-sekretar ,037/661-384-centrala ,037/662-007-direktor i 037/661-349-računovodstvo;E-mail : [dzkljuc@bih.net.ba](mailto:dzkljuc@bih.net.ba)

3. Zdravstvena ustanova Dom zdravlja Ključ registrirana je Poreskoj upravi Federacije Bosne i Hercegovine-Kantonalni ured Bihać , pa joj je Uvjerenjem o poreznoj registraciji dana 17.12.2002.godine ,dodjeljen joj je slijedeći identifikacijski broj :4263133500001.

### 1.3.Odgovorne osobe:

1. Direktor :Prim.dr Behzad Hadžić spec.neuropsihijatar
- 2.Sekretar ustanove:Hrnčić Zlata ,dipl.pravnik
3. Šef računovodstva:Mešanović Amela ,dipl.ekonomista
4. Glavni tehničar:Mešić Suad,dipl.medicinski tehničar

## 2. DJELATNOST

2.1.Ova Ustanova organizira i provodi primarnu zdravstvenu zaštitu stanovništva na području općine Ključ,kao svoju trajnu djelatnost i provodi određen nivo sekundarne zdravstvene zaštite,a prema načelima sveobuhvatnosti,kontinuiranosti,dostupnosti,načelima sveobuhvatnog pristupa u skladu sa kapacitetima .

Rad ove ustanove je usklađen sa odredbama Zakona o zdravstvenoj zaštiti F BiH a obuhvata:

1. Rano otkrivanje, sprečavanje i suzbijanje uzroka oboljanje i povređivanja,
2. Sudjelovanje u podizanju i održavanju psihofizičke I zdravstvene sposobnosti radnika,
3. Brigu za očuvanje zdravlja i liječenja svih članova porodice,
4. Provođenje mjera zdravstvene zaštite I brigu o zdravstvenom stanju I unapređenju zdravlja učenika ,omladine, studenata kao i brigu o zdravstvenom stanju građana starijih od 65 godina, invalida I drugih osoba,
5. Zdravstvenu zaštitu specifičnih i nespecifičnih plućnih oboljenja,
6. Praćenje higijensko-epidemiološke situacije u životnoj I radnoj sredini,
7. Provodi edukaciju zdravstvenih radnika.

Zdravstvena ustanova Dom zdravlja Ključ obavlja djelatnost u centralnoj zgradi, terenskim ambulantama: Sanica i Krasulje.

Primarna zdravstvena zaštita je organizirana kroz sljedeće službe:

1. Služba opća primarna zdravstvena zaštita (zdravstvena zaštita stanovništva iznad 19.godina)
2. Služba polivalentne patronaže i kućnog liječenje
3. Služba zdravstvene zaštite predškolske djece
4. Služba zdravstvene zaštite školske djece i omladine
5. Služba zdravstvene zaštite žena
6. Služba pneumoftiziološke zdravstvene zaštite
7. Higijensko-epidemiološka služba
8. Hitna medicinska pomoć
9. Laboratorijska dijagnostika
10. CBR
- 12.1. Centar za mentalno zdravlja
- 12.2. Centar za fizikalnu rehabilitaciju
- 13 .Zubna zdravstvena zaštita
- 13.1.Zdravstvena zaštita zuba i usta predškolske djece
- 13.2.Zdravstvena zaštita zuba i usta školske djece
- 13.3.Zdravstvena zaštita zuba i usta odraslih

Nivo sekundarne zdravstvene zaštite je organiziran kroz sljedeće imove:

1. Konsultativno-specijalistička zdravstvena zaštita
2. UZ dijagnostika.

Zdravstvena zaštita na primarnom nivou obuhvata:

- djelatnost porodične medicine,
- djelatnost zdravstvene zaštite djece,
- djelatnost polivalentnih patronažnih sestara u zajednici,
- higijensko-epidemiološku zaštitu,
- hitnu medicinsku pomoć,
- zaštitu reproduktivnog zdravlja žena,
- zdravstvenu zaštitu kod nespecifičnih i specifičnih plućnih oboljenja,
- fizikalnu i mentalnu rehabilitaciju u zajednici,
- zubozdravstvenu zaštitu,
- laboratorijsku i radiološku dijagnostiku primarnog nivoa,
- liječenje i rehabilitacija u kući

ZU Dom zdravlja Ključ obavlja i usluge sekundarne zdravstvene zaštite i to:

- ultrazvučnu vanbolničku dijagnostiku,
- dio usluga hematološke i biohemijske laboratorijske vanbolničke djelatnosti

Primarna zdravstvena zaštita naročito provodi:

Mjere zdravstvene zaštite djece predškolskog i školskog uzrasta, brigu o njihovom zdravstvenom stanju i unapređenju zdravlja, učestvovanju u podizanju psihofizičke sposobnosti; brigu o zdravstvenoj zaštiti žena za vrijeme trudnoće, porođaja i nakon porođaja, te o drugim zdravstvenim potrebama žena; mjere zapromociju prirodne ishrane dojenčeta-dojenje; mjere zdravstvene zaštite osoba sa smetnjama u razvoju; ispitivanje nepovoljnog utjecaja okoline na zdravstveno stanje i zdravstvenu sposobnost radnika za rad i drugih građana; hitnu medicinsku pomoć; specifičnu zdravstvenu zaštitu radnika; liječenje u ordinaciji odnosno u stanu osiguranika; kurativne i rehabilitacijske mjere; mjere prevencije, liječenja i saniranja usta i zuba; snabdijevanje lijekova i drugim sredstvima za liječenje; upućivanje pacijenata na specijalističko-konsultativne preglede te na bolničko liječenje kao i provođenje posthospitalnog postupka i koordiniranje i provođenje nužnih dijagnostičkih i terapijskih postupaka.

ZU " Dom zdravlja" Ključ obavlja zdravstvenu zaštitu na području općine Ključ u skladu sa Ugovorom o pružanju primarne i dijela sekundarne zdravstvene zaštite na USK sklopljenim sa Zavodom za zdravstveno osiguranje USK.

## 2.2. UPRAVLJANJE U ZU DOM ZDRAVLJA KLJUČ

Rješenjem broj: 03-017-437/2019.od 17.05.2019.godine imenuje se Upravni odbor ZU Dom zdravlja Ključ u sastavu:

1. Smajić Haris-predsjednik

2. Salihović Almir-član

3. Botonjić Edin-član

4. Ćemal Merim-član

Dopunom gore navedenog rješenja dana 30.12.2019.godine iz reda stručnih radnika ZU Dom zdravlja Ključ imenuje se:

5. Koljić Emil-član

Funkciju rukovođenja ustanovom vrši direktor ustanove Prim dr Behzad Hadžić specijalista neuropsihijatar.

## 2.3. KAPACITETI I KORIŠTENJE KAPACITETA ZU DOM ZDRAVLJA KLJUČ

ZU Dom zdravlja Ključ pruža usluge na području općine Ključ za 16.175 stanovnika po statističkim podacima općine Ključ, od toga je 8.396 osiguranih lica .

## 2.4. KADROVSKA STRUKTURA

U Domu zdravlja Ključ sa danom 31.12.2022 godine zaposleno je 66 od toga 45 radnika medicinske struke i 21 radnik nemedicinske.

Pregled broja i strukture zaposlenih u DZ Ključ u 2021 i 2022. godini.

Zaposlenici Doma zdravlja po kvalifikacionoj strukturi	Broj zaposlenih	
	2021	2022
Doktori medicine	1	1
Doktori medicine-specijalisti	8	8
Doktori medicine na specijalizaciji	1	1
Doktori stomatologije	1	2

Zdravstveni radnici za visokom zdravstvenom školom	0	0
Zdravst.radnici više stručne spreme	8	9
Zdravst.radnici srednje stručne spreme	23	23
Ostali zdravstveni radnici visoke stručne spreme	1	1
<b>Ukupno zdravstvenih radnika</b>	42	45
<b>Nemedicinska struka :</b>	-	-
Visoka stručna sprema	2	2
Srednja stručna sprema	4	4
Visokokvalifikovani		
Kvalifikovani	9	9
NK	5	6
<b>Ukupno nemedicinskih radnika</b>	21	21
<b>UKUPNO</b>	62	66

Izvor: Matična evidencija zaposlenika Doma zdravlja Ključ.

## 2.5.FINANSIRANJE RADA USTANOVE

Zdravstvena ustanova Dom zdravlja Ključ se financira:

- Ugovorena sredstva sa Zavodom zdravstvenog osiguranja za pružanje usluga primarne zdravstvene zaštite osiguranim licima općine Ključ ,iz kojih se izmiruju bruto plaće i dio materijalnih troškova.
- Vlastitim prihodima od pruženih dopunskih usluga osiguranim i neosiguranim licima (ljekarska uvjerenja,uvjerenja zaposao,posjedovanje i nošenje oružja,izdavanje sanitarnih knjižica,sanitetskao bezbjedenja manifestacija) nastoje se isplatiti naknade zaposlenicima koje nemaju karakter plaće u skladu sa Kolektivnim ugovorom i preostali materijalni troškovi..

U period 2023.godine uz povećanje ugovorenih sredstava osigurati poštivanje prava radnika , osiguranja materijalno-tehničkih sredstava kao i obaveza utvrđenih pozitivnim pravnim propisima.

## **II. NORMATIVNI DIO**

Zakonski osnov djelovanja ZU Dom zdravlja Ključ baziran je na :

- Zakonu o zdravstvenoj zaštiti
- Zakonu o javnim ustanovama
- Zakonu o obligacionim odnosima
- Zakonu o javnim nabavkama
- Ostali propisi koji regulišu poslovanje zdravstvenih ustanova
- Interni akti ustanove

## **III. TEMATSKI DIO**

### **1.STRATEŠKI CILJEVI**

**-STRATEŠKI CILJ 1:**Povećanje sigurnosti i kvaliteta usluge

**-STRATEŠKI CILJ 2:**Osigurati potrebna materijalno- tehnička sredstva

**-STRATEŠKI CILJ 3:**Unapređenje procesa planiranja,razvoja i obuke ljudskih resursa i optimalno korištenje postojećih kapaciteta,

### **2.OPERATIVNI CILJEVI**

1.Unapređenje kvaliteta rada i sigurnosti u Dom zdravlja Ključ,

2.Unapređenje rada preventivne zdravstvene zaštite

3.Kapitalna ulaganja u ZU Dom zdravlja Ključ u 2023.godini.

4.Održivo finansiranje ZU Doma zdravlja Ključ uz efikasnije upravljanje materijalnim i finansijskim sredstvima.

### **3.RIZICI**

3.1 Demografske promjene na teritoriji naše općine

3.2 Nedostatak finansijskih sredstava

3.3 Nesklad između potreba i zahtjeva zdravstvene zaštite u odnosu na realnu mogućnost finansiranja,

Pored navedenog jedan od najvećih rizika je nesigurnost koja vlada u državi , koja utiče sve oblasti društvenog života počevši od obrazovanja do penzionisanja,koja utiče na psihičko i fizičko stanje ljudi koji danas najčešće vide izlaz odlaskom u inozemstvo. Rezultat svega toga

je smanjen broj radno sposobnog mladog stanovništva od toga najviše mladih obrazovanih ljudi, a udio starih lica u strukturi korisnika usluga se povećava kao i troškovi njihovog liječenja.

#### **4. MJERE ZA REALIZACIJU OPERATIVNIH CILJEVA**

##### **4.1. Stručno osobljavanje kadra u ustanovi**

Osigurati kontinuiranu edukaciju radnika u saradnji sa Zavodom za javno zdravstvo, projekata vezanih za unapređenje psihofizičkog zdravlja stanovništva, kontinuirane edukacije zdravstvenog osoblja u saradnji sa nadležnim komorama, obavezne edukacije nemedicinskog kadra (pravna i služba računovodstva)

##### **4.2. Unapređenje rada preventivne zdravstvene zaštite**

###### **1. Preventivne aktivnosti porodične/obiteljske medicine i patronažne službe**

U okviru porodične medicine a prema izrađenom planu kontinuirano će se vršiti preventivne aktivnosti kroz posjete i prosvjećivanje stanovništva o zdravlju i faktorima koji štetno utiču na njega. U saradnji sa patronažnom službom posebnu pažnju posvetit ćemo nadzoru i praćenju zdravstvenog stanja stanovništvu udaljenih mjesta. Patronažna služba će poseban akcenat staviti na prevenciju hroničnih nezaraznih oboljenja u koje spadaju kardiovaskularne bolesti i šećerna bolest.

###### **2. Preventivne aktivnosti službe zdravstvenu zaštitu predškolske i školske djece**

U toku 2023. godine u okviru ove službe a prema izrađenom planu vrsit će se sistematski pregledi dojenčadi, predškolske i školske djece. Planirani su sistematski pregledi učenika osmih razreda uz redovno vakcinisanje te sistematski pregledi učenika šestih razreda u saradnji sa obrazovnim ustanovama. Redovne aktivnosti će obuhvatiti i predavanja u osnovnim i srednjim školama u svrhu promocije zdravlja i ukazivanja na štetne faktore (pušenje, alkohol, narkotička sredstva)

###### **3. Preventivne aktivnosti u domenu službe za zdravstvenu zaštitu žena**

Od preventivnih aktivnosti provodit će se organizirane akcije skrining metoda kod karcinoma ženske populacije (prvi papa test Dom zdravlja osigurava u okviru paketa zdravstvenih usluga). U domenu pomenutog planiramo registraciju te statističko vođenje pregledanih pacijenata u ranom skriningu jer se većina karcinoma može prevenirati u ranom periodu.

###### **4. Preventivne aktivnosti pneumoftziološke zdravstvene zaštite**

Do sada se u okviru preventivnih aktivnosti u ovoj službi posebna pažnja posvećena je prevenciji tuberkuloze kroz kontinuirano praćenje oboljelih lica i članova porodice. U ovoj godini će se nastaviti u povedanom obimu sa preventivnim akcijama.

#### 5. Preventivne aktivnosti HES-a

U okviru HES-a a u suradnji sa porodičnom medicinom, vršit će se preventivne aktivnosti za rane skrininge i oglašavanja o zaraznim bolestima. Kontinuiranim praćenjem i suzbijanjem zaraznih bolesti kao i nadzor nad istim nastavit će se i u 2023.godini.Ova služba uz saradnju sa nadležnim institucijama općine i kantona nastavit će nadzor nad svim pojavama koje utiču na zdravlja naših građana.Kao u prethodnoj godini služba će vršiti preventivne mjere nadzora nad kvalitetnom vodoopskrbom stanovništva u suradnji sa vodovodnim preduzećem .

#### 4. Unapređenje preventivnog djelovanja Centa za mentalno zdravlje

Centar za mentalno zdravlje u Domu zdravlja vrlo kvalitetno i visoko profesionalno obavlja sve poslove u njihovom domenu. Ovaj centar je reakreditiran od strane AKAZa krajem 2022 .godine što dovoljno govori o kvaliteti rada. Jedna od preventivnih aktivnost jeste pregled djeteta predškolskog uzrasta u okviru sistematskih pregleda kao i kontinuirano učešće u vaspitno-obrazovnom procesu djece i omladine.U cilju promocije o značaju i prevenciji mentalnih poremećaja, poseban naglasak staviti na intersektorsku saradnju te provođenje efikasnih mjera suzbijanja stigmatizacije svih marginaliziranih osoba ,po bilo kojoj osnovi.

#### 5. Unapređenje preventivnog djelovanja Centra za fizikalnu medicine i rehabilitaciju

Uzimajući u obzir činjenicu da je sve veći broj lica koja traže usluge služba fizikalne medicine i rehabilitacije planira više vremena posvetiti preventivnim promocije i prevencije bolesti i onesposobljenja.

#### 6. Preventivne aktivnosti stomatološke preventivne zaštite u osnovnim i srednjim školama

U 2023.godini stomatološka služba Doma zdravlja u skladu sa dogovorom sa ustanovama obrazovnog obrazovnog sistema planira posjete predškolskoj ustanovi i nižim razredima osnovne škole ,kao i srednjoj školi u svrhu edukacije djece o značaju zdravlja usta i zubi te praćenja redovnog stanja.

#### **4.3.Primjena akreditacijskih standarda i izradom procedura kroz kontinuiran nadzor nad implementacijom istih osigurati kvalitet pruženih usluga u svrhu zaštite i unapređenja zdravlja našeg stanovništva.**

Uzimajući u obzir da je ustanova započela proces certifikacije te da je zaključen ugovor o saradnji sa AKAZ-om u 2023.godini izvršit će se edukacija koordinatora u ustanovi.

#### **4.5.Kapitalna ulaganja usmjeriti na prostor i materijalno-tehnička sredstva**

Kako bi osigurala sigurne uvjete za rad ustanova u 2023. godini će nastojati vlastitim sredstvima finalizirati zamjenu prozora u dijelu nabavke trakastih zavjesa kao i završiti započeti proces informatizacije u službama koje nisu povezane u sistem.

#### 4.6 Ljudski resursi

Prijem zaposlenika planira se vršiti samo iz razloga popunjavanja radnih mjesta kod odlaska radnika kao i dugoročnog odsustva radnika radi privremene spriječenosti za rad

#### 5.FINANCIJSKI PLAN

U financijskom poslovanju ustanova planira da ostvareni prihodi pokriju troškove odnosno rashode.

*Planirani приход za 2023.god.u odnosu na ostvarene prihode u 2022.g.*

<b>R/BR</b>	<b>OPIS</b>	<b>2022.</b>	<b>2023.</b>	<b>INDEX</b>
1.	PRIHOD OD ZZO USK-a	1953166,00	2607846,00	1,34
2.	PRIHOD OD LJEKARSKIH UVJERENJA (bez PDV-a)	29202,00	35200,00	1,21
3.	PRIHOD OD SANITARNIH PREGLEDA (bez PDV-a)	15411,00	17500,00	1,14
4.	PRIHOD OD PREVOZA VAN KANTONA	52665,00	65250,00	1,24
5.	PRIHOD OD PREVOZA HEMODIJALIZE	8368,00	9500,00	1,14
6.	PAZAR PO SLUŽBAMA	230747,00	35250,00	0,15
7.	PRIHOD OD DONACIJA	93072,00	152746,00	1,64
8.	PRIHOD OD MINISTARSTVA (MRTVOZORSTVO)	5330,00	6500,00	1,22
9.	PRIHOD OD INO POTRAŽIVANJA	1097,00	2210,00	2,01
10.	PRIHOD OD ROBE (LJEKOVI)DOMA ZDRAVLJA	13886,00	14500,00	1,04
11.	PRIHOD OD ZAKUPNINE	500,00	500,00	1,00
12.	PRIHOD OD REFUNDACIJE BOLOVANJA	13734,00	15800,00	1,15
13.	PRIHOD OD SANITET.OBEZBJEĐENJA MANIFESTACIJE (bez PDV-a)	1880,00	3520,00	1,87
14.	OSTALI PRIHODI	17995,00	15000,00	0,83
	<b>UKUPNO PLANIRANI PRIHODI</b>	<b>2437053,00</b>	<b>2981322,00</b>	<b>1,22</b>

**Planirani rashodi za 2023.god.u odnosu na ostvarene rashode iz 2022.god**

<b>R/BR</b>	<b>OPIS</b>	<b>2022.</b>	<b>2023.</b>	<b>INDEX</b>
1.	TROŠKOVI LIJEKOVA	13886,00	14500,00	1,04
2.	POTROŠNI MATERIJAL PO SLUŽBAMA	113508,00	115500,00	1,02
3.	TROŠKOVI OGR. DRVETA I UGLJA	31692,00	29500,00	0,93
4.	TROŠKOVI KANC. MATERIJALA	8630,00	8500,00	0,98
5.	TROŠKOVI ELEKTRIČNE ENERGIJE	16599,00	18500,00	1,11
6.	TROŠKOVI GORIVA I MAZIVA	57487,00	58250,00	1,01
7.	TROŠKOVI OTPISA SITNOG INVENTARA I AUTOGUMA	4361,00	2500,00	0,57
8.	PLATE RADNIKA	1809910,00	2279205,00	1,26
9.	DNEVNICE I TROŠKOVI SLUŽ. PUTA	6816,00	6520,00	0,96
10.	NAKNADE ZA TOPLI OBROK	144714,00	146500,00	1,01
11.	NAKNADE ZA PREVOZ RADNIKA	18172,00	19100,00	1,05
12.	OTPREMNINA-ODLAZAK U PENZIJU I DR.NAKNADE(U SL.SMRTI, PRAZNICI)	50118,00	17500,00	0,35
13.	STRUČNA LITERATURA I SEMINARI	2215,00	2300,00	1,04
14.	DOPRINOSI ZA VOLONTERE	330,00	550,00	1,67
15.	NAK.I DOP. PO UGOVORU O DJELU, PRIVR.POVREM. I KOMISIJE	17135,00	17125,00	1,00
16.	TROŠKOVI POŠTANSKIH I TELEKOMUNIKACIJSKIH USLUGA	13102,00	13560,00	1,03
17.	USLUGE ODRŽAVANJA OPREME I TRANSPORTNIH SREDSTAVA	26846,00	21250,00	0,79
18.	TROŠKOVI TAKSI, POREZA I NAKNADA	122,00	250,00	2,05
19.	TROŠKOVI AMORTIZACIJE	160185,00	158200,00	0,99
20.	TROŠKOVI ADV. I NOTARSKIH USLUGA I REVIZIJSKIH USLUGA	3510,00	3500,00	1,00
21.	TROŠKOVI ZDRAVSTVENIH USLUGA	10211,00	8500,00	0,83
22.	KOM. USLUGE VODA I SMEĆA	9446,00	9500,00	1,01
23.	USLUGE ZBRINJAVANJA OTPADA INAKNADA ZA ZAGAĐENJE ZRAKA	1216,00	950,00	0,78
24.	OSTALI NEPROIZVODNI TROŠKOVI	1278,00	1530,00	1,20
25.	TROŠKOVI REPREZENTACIJE	159,00	150,00	0,94
26.	TROŠKOVI OSIGURANJA	2298,00	2250,00	0,98
27.	TROŠKOVI PLATNOG PROMETA	2772,00	2995,00	1,08
28.	TROŠKOVI TENHIČKOG PREGLEDA	1702,00	1850,00	1,09
29.	VOD. NAK. I NAKNADA ZA NESREĆE	10644,00	12500,00	1,17
30.	TROŠKOVI AKREDITACIJE I EDUKACIJE -AKAZ	1746,00	3492,00	0,00
31.	ZATEZNE KAMATE I KAZNE	600,00	100,00	0,17
32.	RASHODI PO OSNOVU OTPISA, KALO, RASTUR I LOM	5689,00	4500,00	0,79
33.	RASHOD ZA RIZIK LIJEKOVA	0,00	0,00	0,00
34.	RASHODI PO OSNOVU DONACIJA	45,00	45,00	0,00
35.	OSTALI RASHODI	1,00	150,00	150,00
	<b>UKUPNI RASHODI</b>	<b>2.547.145,00</b>	<b>2981322,00</b>	<b>1,17</b>

**Planirani prihodi i rashodi u 2023.god.u odnosu na ostvarene  
prihode i rashode u 2022.god**

	<b>2021</b>	<b>2022</b>	<b>INDEX 22/21</b>
<b>UKUPNO OSTVARENI I PLANIRANI PRIHODI</b>	2.437.053,00	2.981.322,00	1,22
<b>UKUPNO OSTVARENI I PLANIRANI RASHODI</b>	2.547.145,00	2.981.322,00	1,17
<b>DOBIT/GUBITAK</b>	<b>-110.092,00</b>	<b>0,00</b>	<b>0,00</b>



Direktor  
  
Prim dr. Bahžad Hadžić  
Spec.neuropsihijatar

## OBRAZLOŽENJE

### PRAVNI OSNOV

Pravni osnov za donošenje ovog akta nalazi se u čl. 11.n), odjeljka A poglavlja V Ustava Unsko-sanskog kantona («Službeni glasnik Unsko-sanskog kantona» br.1/04 i 11/04), članu 48.st.1. Poslovnika Skupštine Unsko-sanskog kantona („Službeni glasnik Unsko-sanskog kantona“, br.9/17, 11/21) i Odluci o metodologiji i rokovima za izradu programa rada, izvještaja o radu koji se upućuju Vladi i Skupštini Unsko-sanskog kantona („Službeni glasnik Unsko-sanskog kantona“ broj:3/14 i 4/14 ).

### RAZLOZI ZA DONOŠENJE

Članom 65.Zakona o zdravstvenoj zaštiti („Službene novine Federacije BiH“ broj: 46/10 i 75/13) i članom 27. Zakona o ustanovama („Službeni list Republike BiH“, broj:6/92, 8/93 i 13/94), propisano je da upravni odbor utvrđuje planove rada i razvoja, utvrđuje godišnji program rada donosi finansijski plan ustanove i dr.


Planom i programom rada sa finansijskim planom za 2023.godinu ZU Dom zdravlja Ključ utvrdio je svoja opredjeljenja i zadatke koji proizilaze iz Zakona o zdravstvenoj zaštiti i Statuta ustanove.

Plan i program rada ZU Dom zdravlja Ključ za 2023.godinu sastoji se od uvodnog, normativnog i tematskog dijela sa operativnim ciljevima i finansijskim planom. Operativni ciljevi sadržani su u četiri tačke, a odnose se na unapređenje rada preventivne zdravstvene zaštite, nadzor nad implementacijom akreditacijskih standarda i procedura, kapitalnih ulaganja i održivog finansiranja uz efikasnije upravljanje materijalnim i finansijskim sredstvima.

Finansijskim planom ustanova je planirala prihode u iznosu od 2.981.322,00 KM i rashode u iznosu 2.981.322,00 KM.

### FINANSIJSKA SREDSTVA

Za provođenje ovog Plana i program rada ZU Dom zdravlja Ključ očekuje finansijsku potporu iz sredstava Budžeta USK-a , donacija i dr.



MINISTAR

Prim.dr Muris Halkić, spec.pulmolog

Na osnovu člana 96. Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21) Skupština Unsko-sanskog kantona, na sjednici održanoj dana \_\_\_\_\_, donijela je sljedeći

## Z A K L J U Č A K

### I

Prihvata se Plan i program rada sa finansijskim planom za 2023.godinu ZU Dom zdravlja Ključ.

### II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: \_\_\_\_\_  
Bihać, \_\_\_\_\_

Predsjedavajući Skupštine  
Unsko-sanskog kantona